



CONCELLO DE VIGO

Expte.1795/1102

ACTA DA XUNTA DE GOBERNO LOCAL
Sesión 3 do decembro de 2024

ASISTENTES:

Membros :

D. Abel Caballero Álvarez
D. Francisco Javier Pardo Espiñeira
D^a. Ana M.^a Mejías Sacaluga
D. Angel Rivas González
D^a Yolanda Aguiar Castro
D^a Patricia Rodríguez Calviño

NON ASISTEN:

D^a M^a Carmen Silva Rego
D^a Elena Espinosa Mangana
D^a M^a José Caride Estévez
D. Jaime Aneiros Pereira

Na Casa do Concello de Vigo, ás catorce horas e cinco minutos do día tres de decembro de dous mil vinte e catro e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Calviño, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamén presente por invitación, a secretaria de Goberno local, Sra. Gallardo Fariña.

A Xunta de Goberno Local adopta os seguintes acordos:

1(978).- RATIFICACIÓN DA URXENCIA.

A Xunta de Goberno local ratifica a urxencia da sesión segundo consta nas dilixencias dos servizos incorporadas nos expedientes que se someten a aprobación na presente sesión.

Antes do tratamento dos asuntos para a súa aprobación, os membros da Xunta de Goberno Local presentes manifestan non estar incurso en causa de incompatibilidade ni conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

2(979).- MODIFICACIÓN DO CONTRATO DO SERVIZO SANITARIO DE AMBULANCIAS ASISTENCIAIS DURANTE AS CAMPAÑAS DO NADAL. EXPTE. 7050/241.

Visto o informe de fiscalización de data 03/12/2024, sométese a aprobación o informe-proposta de data 29/11/2024, asinado pola xefa do Servizo de Contratación e conformado pola concelleira da Área de Goberno e pola letrada-titular de Asesoría Xurídica municipal, que di o seguinte:

NORMATIVA DE APLICACIÓN

- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (LCSP)
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RLCAP), no que non se opoña ao TRLCSP
- Lei 7/1985, do 2 de abril, reguladora das bases do réxime local (LBRL)
- Lei 39/2015, do 1 de outubro, do procedemento administrativo común das Administracións Públicas (LPAC)
- Real decreto legislativo 781/1986, do 18 de abril, texto refundido das disposicións legais vixentes en materia de réxime local (TRRL)
- Lei 5/1997, do 22 xullo, de administración local de Galicia (LALGA)
- Prego de cláusulas administrativas particulares para a contratación por procedemento aberto simplificado do servizo sanitario de ambulancias asistenciais durante as campañas do Nadal (nº 9.932-106) (PCAP)
- Prego de prescricións técnicas para a contratación por procedemento aberto simplificado do servizo sanitario de ambulancias asistenciais durante as campañas do Nadal (nº 9.932-106) (PPT)

ANTECEDENTES

Primeiro.- Na sesión do 27 de outubro de 2023 a Xunta de Goberno local acordou aprobar o expediente de contratación, os pregos de prescricións técnicas e de cláusulas administrativas particulares e a apertura do procedemento de licitación para a contratación do servizo sanitario de ambulancias asistenciais durante as campañas do Nadal (nº 9.932-106).

Segundo.- A Xunta de Goberno local, na sesión que tivo lugar o 22 de decembro de 2023, adoptou o seguinte acordo:

“Adxudicar a AMBULANCIAS DO NORDÉS, S.L., o procedemento aberto simplificado para a contratación do servizo sanitario de ambulancias asistenciais durante as campañas do Nadal (expediente 9932-106) por un prezo de 78.650,00 euros (exento de IVE), coas seguintes condicións:



CONCELLO DE VIGO

Expte.1795/1102

- *Propón unha porcentaxe de desconto a aplicar aos prezos unitarios recollidos no*
- *apartado 3G do Anexo I -FEC- do PCAP do 1,53 %.*
- *Substitución do Vehículo de Intervención Rápida, habilitado unicamente para atención sanitaria de primeiros auxilios in situ, por unha ambulancia tipo SVB (soporte vital básico)*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

Terceiro.- O contrato formalizouse o día 29 de decembro de 2023 e a execución do contrato iniciouse o día 31, debendo rematar o 12 de xaneiro de 2025 ou, en todo caso, o día do acto de apagado da iluminación da Campaña do Nadal. O 5 de xaneiro rectificouse o referido documento de formalización.

Cuarto.- O 19 de novembro de 2024 o xefe do Servizo Administrativo e de Control Orzamentario (asignado, segundo instrución da Área de Servizos Xerais 01/2024, ás funcións de xestión e administrativas das atribucións en materia de Comercio asignadas á Área de Servizos Xerais segundo resolución do 09.10.24 da Concellería da Área de Seguridade, Contratación, Festas e Xestión Municipal e da Concellería delegada de RRHH), o xefe da Área de Servizos Xerais (asignado á dirección das atribucións en materia de Comercio asignadas a Área de Servizos Xerais segundo resolución do 09.10.24 da Concellería da Área de Seguridade, Contratación, Festas e Xestión Municipal e da Concellería delegada de RRHH), coa conformidade do concelleiro delegado da Área de Parques e Xardíns, Comercio, Participación Cidadá e Festas Especiais, solicitan o inicio dun expediente de modificación deste contrato por mor da *“programación de actividades relacionadas coa campaña de Nadal 2024-2025 supón un notable incremento das previsións de afluencia de público e dos días previstos de alta afluencia con respecto as previsión recollidas na documentación do actual contrato, a consecuencia do aumento dos eventos e ámbitos relacionados coa iluminación e a ornamentación do Nadal 2024-2025, polo que resultan superiores ás necesidades previstas inicialmente do servizo sanitario de ambulancias, e que pola súa entidade superan o custe económico da anualidade en curso”*.

Quinto.- Con data 20 de novembro de 2024 a concelleira delegada de Contratación resolveu iniciar o procedemento para a modificación deste contrato. Esta resolución foi notificada ao contratista o mesmo día.

Sexto.- Evacuado trámite de audiencia ao contratista, durante o prazo conferido para o efecto, o 24 de novembro de 2024, este manifestou a súa conformidade coa modificación proposta mediante documento nº 240372135.

FUNDAMENTOS XURÍDICOS

-I-

Lexislación aplicable

Resulta preciso determinar en primeiro lugar, a lexislación aplicable a este contrato. Os contratos réxense, en canto aos seus efectos, cumprimento e extinción, incluída a súa duración e réxime de prórrogas, polo establecido no propio contrato e no prego de cláusulas administrativas particulares e pola lexislación vixente no momento no que foron celebrados (disposición transitoria primeira da LCSP), é dicir:

- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (LCSP).
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RLCAP), no que non se opoña á LCSP.

-II-

Da modificación dos contratos

A lexislación de contratos das Administracións públicas reconece ao órgano de contratación, entre outras prerrogativas, a de modificar os contratos por razóns de interese público, dentro dos límites e con subxección aos requisitos e efectos nela sinalados (artigos 203.1 LCSP e 114.1 TRRL con relación ás entidades locais), prerrogativa tamén reconecida con respecto a este concreto contrato na cláusula 2.5 do PCAP.

O órgano de contratación só poderá modificar os contratos cando así se previra nos pregos ou no anuncio de licitación, ou excepcionalmente, nos casos e cos límites establecidos no artigo 205 (artigo 203.2 LCSP).

É dicir, a Lei impón á Administración, á hora de redactar os pregos, a realización dun exame detallado dos eventuais cambios que puidesen producirse no ámbito do contrato durante a súa duración. Deste xeito, os licitadores poden analízalos con carácter previo á presentación das súas ofertas e telos en conta ao redactalas (artigo 204.1 LCSP). Evítase así conculcar os principios de igualdade, libre competencia, transparencia e publicidade que rexen no ámbito da contratación pública por imperativo das Directivas europeas en materia de contratación e nos artigos 1 e 132 do LCSP.

A Administración, en caso de optar por regular as posibles modificacións do contrato nos pregos, goza dunha ampla marxe de discrecionalidade, pois non está suxeita a límites cuantitativos nin cualitativos, como sucede coas modificacións non previstas no prego. Pola contra, esíxese unha relación detallada e precisa dos seguintes aspectos (artigo 204 LCSP):

- A cláusula de modificación deberá estar formulada de forma clara, precisa e inequívoca.
- No que respecta ao seu contido, a cláusula de modificación deberá precisar co detalle suficiente o seu alcance, límites e natureza; as condicións en que se poderá facer uso dela por referencia a circunstancias cuxa concorrencia se



CONCELLO DE VIGO

Expte.1795/1102

poida verificar de forma obxectiva; e o procedemento que se deba seguir para realizar a modificación.

- A cláusula de modificación establecerá que a modificación non poderá supor o establecemento de novos prezos unitarios non previstos no contrato.
- A modificación non poderá alterar a natureza global do contrato inicial.

Nesta liña, no caso que nos ocupa, o prego prevé a modificación do contrato debido ás seguintes circunstancias recollidas no apartado 15.C da FEC:

- *“Realización dalgún acto ou evento extraordinario ou programación de actividades relacionadas co Nadal, non programados con anterioridade á formalización do contrato, durante o período do Nadal.*
- *Ampliación do horarios das actividades e espectáculos previstos inicialmente na programación das Campañas do Nadal”.*

Contemplándose como aspectos a modificar o *“Incremento dos servizos prestados (número de ambulancias, persoal, material e equipos sanitarios...) debido ás necesidades derivadas da modificación da programación das Campañas do Nadal”* (apartado 15.B da FEC) establecéndose como límite da modificación o 20% do orzamento base de licitación (apartado 15.D da FEC), non prevéndose especialidades. A modificación obxecto deste informe vén motivada polo *“incremento dos eventos é ámbitos relacionados coa iluminación e a ornamentación do Nadal 2024, o que a súa vez ocasiona un incremento das previsións de afluencia de público e dos días previstos de alta fluencia, é necesario modificar os servizos prestados (incrementando o nº de ambulancias Tipo SVB e deducindo o nº de ambulancias UVI móbil) co obxecto de dar cobertura as disposicións mínimas do PAU, e polo tanto considérase necesaria a modificación do citado contrato para modificar o nº de servizos prestados para as anualidades 2024 e 2025”*. Informan ao respecto o xefe do Servizo Administrativo e de Control Orzamentario e o xefe da Área de Servizos Xerais, na data 19 de novembro de 2024 o seguinte:

“Con data 22 de decembro de 2023, A Xunta de Goberno Local, adoptou o seguinte acordo:

“Adxudicar a AMBULANCIAS DO NORDÉS, S.L., o procedemento aberto simplificado para a contratación do servizo sanitario de ambulancias asistenciais durante as campañas do Nadal (expediente 9932-106) por un prezo de 78.650,00 euros (exento de IVE), coas seguintes condicións:

- *Propón unha porcentaxe de desconto a aplicar aos prezos unitarios recollidos no apartado 3G do Anexo I -FEC- do PCAP do 1,53 %.*
- *Substitución do Vehículo de Intervención Rápida, habilitado unicamente para atención sanitaria de primeiros auxilios in situ, por unha ambulancia tipo SVB (soporte vital básico)*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

O referido contrato foi asinado en data 29 de decembro de 2023 e posteriormente rectificadado en data 4 de xaneiro de 2024, comenzando en data 31 de decembro de

2023 e rematando o vindeiro o 12 de xaneiro de 2025 ou, en todo caso, o día do acto de apagado da iluminación da Campaña do Nadal 2024-2025.

No apartado 3.G do Anexo I-FEC do PCAP das FEC se detallan os prezos unitarios do contrato, sobre os cales seralle de aplicación o desconto ofertado polo adxudicatario:

| Servizo a prestar | Prezo unitario (€/día) | Desconto ofertado (%) |
|--|-------------------------------|------------------------------|
| Ambulancia UVI móbil SVA (1 médico/a, 1 condutor/a técnico de emerxencias sanitarias, 1 diplomado en enfermería) | 2.625,00 | 1,53 |
| Ambulancia Tipo B, SVB (2 técnicos/as en emerxencias sanitarias. Atención con posibilidade de traslado) | 525,00 | 1,53 |
| Vehículo de intervención rápida VIR (2 técnicos/as en emerxencias sanitarias. Atención "in situ") | 425,00 | 1,53 |

A programación de actividades relacionadas coa campaña de Nadal 2024-2025 supón un notable incremento das previsións de afluencia de público e dos días previstos de alta afluencia con respecto as previsións recollidas na documentación do actual contrato, a consecuencia do aumento dos eventos e ámbitos relacionados coa iluminación e a ornamentación do Nadal 2024-2025, polo que resultan superiores ás necesidades previstas inicialmente do servizo sanitario de ambulancias, e que pola súa entidade superan o custe económico da anualidade en curso.

Tal aumento das previsións, ten o seu reflexo directo no propio plan de autoprotección (PAU), redactado no mes de novembro de 2024, para os eventos relacionados coa iluminación de Nadal 2024-2025, e en particular, na cuantificación dos equipos de primeiros auxilios, e por conseguinte, no nº mínimo de ambulancias que debese disporse na campaña de Nadal 2024-2025.

O Prego de Cláusulas Administrativas Particulares reitor do referido contrato, aprobado pola Xunta de Goberno Local na sesión do 27 de outubro de 2023, establece expresamente na súa cláusula 34 que o contrato poderá ser obxecto de modificación se así se ten especificado no apartado 15.A das FEC.

O apartado 15.B das FEC establece nos aspectos a modificar o incremento dos servizos prestados (número de ambulancias, persoal, material e equipos sanitarios...) debido ás necesidades derivadas da modificación da programación das Campañas do Nadal. Entre as circunstancias que determinan a modificación no apartado 15.C inclúense as seguintes:

- Realización dalgún acto ou evento extraordinario ou programación de actividades relacionadas co Nadal, non programados con anterioridade á formalización do contrato, durante o período do Nadal.
- Ampliación do horarios das actividades e espectáculos previstos inicialmente na programación das Campañas do Nadal.



CONCELLO DE VIGO

Expte.1795/1102

Tendo en conta a aprobación das actividades relacionadas do Nadal 2024-2025 (acordo da XGL de data 28 de xuño de 2024), que supón un incremento dos eventos e ámbitos relacionados coa iluminación e a ornamentación do Nadal 2024, o que a súa vez ocasiona un incremento das previsións de afluencia de público e dos días previstos de alta fluencia, é necesario modificar os servizos prestados (incrementando o nº de ambulancias Tipo SVB e deducindo o nº de ambulancias UVI móbil) co obxecto de dar cobertura as disposicións mínimas do PAU, e polo tanto considérase necesaria a modificación do citado contrato para modificar o nº de servizos prestados para as anualidades 2024 e 2025.

Cos condicionantes anteriormente expostos e á vista da programación establecida ata a finalización da campaña do Nadal 2024-2025, recóllese a valoración económica prevista da modificación do servizo de servizo sanitario de ambulancias asistenciais durante as campañas do Nadal de acordo cos prezos ofertados pola adxudicataria:

| Servizo a prestar | Prezo Unitario/día | Uds. | Total |
|--|--------------------|------|-------------------|
| 1 ud. Ambulancia Tipo B, SVB (2 técnicos/as en emerxencias sanitarias. Atención con posibilidade de traslado) | 525 | 34 | 17.850,00 € |
| 1 ud. Ambulancia UVI móbil SVA (1 médico/a, 1 condutor/a técnico de emerxencias sanitarias, 1 diplomado en enfermería) | 2625 | -3 | -7.875,00 € |
| Suma parcial | | | 9.975,00 € |
| Desconto ofertado (1,53%) | | | 152,62 € |
| ORZAMENTO LÍQUIDO | | | 9.822,38 € |

A anualidade dispoñible para o presente ano 2024, que finaliza o 31 de decembro de 2024, é de 39.325,00 €. A data de hoxe, xa se facturaron no mes de xaneiro 9.453,16 € polo, polo que restan 29.871,84 € para este anualidade e que non cobren as necesidades previstas.

Tendo en conta o anterior, considérase necesaria a modificación do contrato por importe líquido adicional de 9.822,38 €, o que permitirá a execución cun alcance adecuado do servizo sanitario de ambulancias asistenciais durante a campaña do Nadal. En todo caso, de acordo co estipulado no contrato en vigor, só se aboarán os servizos efectivamente realizadas e de acordo cos prezos unitarios que se recollen no mesmo.

A referida modificación será con cargo á aplicación orzamentaria 4310.2279901 "Programa de decoración y animación Nadal" coa seguinte distribución de anualidades:

| Anualidade | Importe |
|------------|------------|
| 2024 | 5.870,92 € |

| | |
|------|------------|
| 2025 | 3.951,46 € |
|------|------------|

A modificación proposta non supera o límite establecido no punto 15.D das FEC do 20% do contrato (78.650,00 €), representando un 12,49%”.

Podemos concluir, á vista do citado informe:

- Estamos ante un suposto de modificación prevista.
- O contrato que se pretende modificar é un contrato de servizos en función das necesidades da administración -disposición adicional 33ª da LCSP- (apartado 3L das FEC), polo que o que se modifica é o orzamento máximo previsto, con afectación dos apartado 3A e 3E (anualidades). O método de cálculo do valor estimado (apartado 3D) xa contemplaba “*unha posible modificación do contrato do 20%*”.
- A modificación está comprendida nos supostos previstos no PCAP toda vez que obedece a un incremento das actividades relacionadas co Nadal, non programados con anterioridade á formalización do contrato (primeiro punto do apartado 15C).
- Supón un incremento do orzamento máximo pola modificación dos servizos a prestar (diminución do número de ambulancias UVI móbil SVA e incremento do número de ambulancias Tipo B SVB) para dar cobertura ás disposicións mínimas do plan de autoprotección (PAU), e debido ás necesidades derivadas da modificación da programación da Campaña do Nadal 2024-2025, que ocasionan un incremento das previsións de afluencia de público e dos días previstos de alta afluencia. Esta modificación tradúcese nun incremento de 9.822,38 euros do orzamento base de licitación que representa un 12,49%, atopándose dentro do límite da porcentaxe máxima de modificación, que é do 20%, segundo o disposto no apartado 15.D da FEC.

Á vista do anterior, a modificación proposta está comprendida nos supostos de modificación previstos no PCAP (aspectos, circunstancias e límites) e na DA 33ª da LCSP que prevé que “*no caso de que, dentro da vixencia do contrato as necesidades reais fosen superiores ás inicialmente estimadas, deberá tramitarse a correspondente modificación. Para tales efectos, a documentación que rexe a licitación deberá prever a posibilidade de que o contrato poida ser modificado como consecuencia de tal circunstancia, nos termos previstos no artigo 204 desta Lei. A citada modificación deberá tramitarse antes que se esgote o orzamento máximo inicialmente aprobado, reservándose para tal fin o crédito necesario para cubrir o importe máximo das novas necesidades*”.

-III-

Da concorrencia dos requisitos para a modificación do contrato



CONCELLO DE VIGO

Expte.1795/1102

A potestade de modificación unilateral da Administración ou ius variandi, queda sometida a tres tipos de límites:

- Límites procedimentais: a previa audiencia do contratista (artigo 191.1 LCSP) e informe do Consello de Estado ou órgano consultivo equivalente da Comunidade Autónoma respectiva, no caso de modificacións non previstas no PCAP cando a súa contía, illada ou conxuntamente, sexa superior a un 20 por cento do prezo primitivo do contrato, cando este sexa igual ou superior a 6.000.000 de euros (artigo 191.3.b LCSP).
- Límites materiais: os contratos administrativos só poderán ser modificados por razóns de interese público, nos casos e na forma previstos na lei, ou no seu caso, no prego.
- Límites económicos: a obriga da Administración de compensar ao contratista pola alteración económica que a modificación lle supoña.

Respecto dos límites procedimentais, é preciso dar audiencia ao contratista, se ben non resulta necesario solicitar informe do Consello Consultivo de Galicia porque o prezo primitivo do contrato é moi inferior a 6.000.000 euros, e en todo caso se trata dunha modificación prevista no PCAP. Consta no expediente a conformidade do contratista coa modificación proposta de data 24 de novembro de 2024.

Respecto dos límites materiais, a modificación obedece a unha razón de interese público: *“cumprir as obrigas derivadas da Lei 5/2007 de 7 de maio de emerxencias de Galicia en relación ás competencias previstas no artigo 25.1 da Lei 7/1985, de 2 de abril, reguladora das bases de réxime local, na redacción dada pola Lei 27/2013 de 27 de decembro, de racionalización e sustentabilidade da administración local en materia de promoción, dinamización, fomento e desenvolvemento do pequeno e mediano comercio”* (apartado 2C das FEC do PCAP).

Respecto dos límites económicos, é preciso compensar ao contratista respecto da alteración económica que esta modificación supón. Tal e como se desprende do citado informe do servizo xestor, a modificación ascende a 9.822,38 euros, que se imputarán á aplicación orzamentaria 4310.2279901 “Programa de decoración y animación Nadal”, coa seguinte distribución de anualidades:

| Ano | Importe (exento de IVE) |
|--------------|--------------------------------|
| 2024 | 5.870,92 € |
| 2025 | 3.951,46 € |
| Total | 9.822,38 € |

Unha vez adoptado o acordo de modificación, este poñerá fin á vía administrativa e será inmediatamente executivo (artigo 114.3 TRRL). A modificación acordada será obrigatoria para o contratista e deberá formalizarse conforme ao disposto no artigo 153 LCSP e publicarse (artigo 203.3 LCSP).

Respecto á publicidade determina o artigo 207.3 que cando se modifique un contrato durante a súa vixencia, con independencia de se este está ou non suxeito a regulación harmonizada e da causa que xustifique a modificación, deberá publicarse en todo caso un anuncio de modificación no perfil de contratante do órgano de contratación no prazo de 5 días desde a súa aprobación, que deberá ir acompañado das alegacións do contratista e de todos os informes que, de ser o caso, se solicitasen con carácter previo á súa aprobación, incluídos aqueles achegados polo adxudicatario ou os emitidos polo propio órgano de contratación.

Ao non estar suxeito a regulación harmonizada non se require a súa publicación no Diario Oficial da Unión Europea e, polo importe de adxudicación, tampouco resulta esixible a súa comunicación ao Consello de Contas.

-IV-

Do reaxuste da garantía definitiva

O artigo 109.3 da LCSP determina que cando, como consecuencia dunha modificación do contrato, experimente variación o seu prezo, deberá reaxustarse a garantía, para que garde a debida proporción co novo prezo modificado. O reaxuste deberá realizarse no prazo de quince días contados desde a data en que se notifique ao empresario o acordo de modificación.

Neste caso, como estamos ante un suposto de modificación con custo económico procede o reaxuste da garantía definitiva depositada polo contratista. Tendo en conta que o apartado 9C do PCAP establece que a garantía esixida será do “5% do orzamento base de licitación excluído o IVE”, o licitador deberá incrementar a garantía depositada en 491,12 euros.

-V-

Do cumprimento dos restantes trámites do procedemento de modificación

Examinada a concorrencia dos requisitos legais esixidos para o exercicio do *ius variandi*, resta cumprimentar os restantes trámites do procedemento para efectuar modificacións nos contratos administrativos que detalla o artigo 102 RLCAP: fiscalización do gasto correspondente e aprobación polo órgano de contratación. Procedemento ao que é preciso engadir os requisitos esixidos para as entidades locais no artigo 114.3 TRRL: previo informe da Secretaría e da Intervención da Corporación. Se ben as referencias á Secretaría, no caso do Concello de Vigo, ao ser un municipio de grande poboación rexido polo Título X da LBRL, hai que entendelas feitas ao titular da Asesoría Xurídica, en virtude do disposto na disposición adicional 2ª da LCSP, que lle atribúe todas as funcións asignadas pola lexislación sobre contratos das Administracións públicas aos secretarios con excepción da formalización dos contratos en documento administrativo.

-VI-

Recursos



CONCELLO DE VIGO

Expte.1795/1102

Contra este acordo poderá interpoñerse recurso contencioso-administrativo perante o Xulgado do Contencioso-Administrativo no prazo de dous meses, contado desde o día seguinte ao da notificación deste acordo.

Con carácter previo ao recurso contencioso-administrativo, poderá interpoñerse recurso de reposición. No entanto, de conformidade co artigo 123.2 da LCSP, non poderá interpoñerse recurso contencioso-administrativo en tanto non sexa resolto expresamente ou se teña producido a desestimación presunta do recurso de reposición interposto.

-VII-

Competencia

A competencia para a resolución deste expediente correspóndelle á Xunta de Goberno local (apartado 3 da disposición adicional segunda da LCSP), na súa calidade de órgano de contratación, previo informe da Asesoría Xurídica e da intervención municipais (artigo 114.3 TRRL apartados 3 e 8 da disposición adicional segunda da LCSP).

-VIII-

Proposta de acordo

En base ao anterior, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte **acordo**:

1º.- Modificar o contrato do servizo sanitario de ambulancias asistenciais durante as campañas do Nadal (nº 9.932-106), nos termos sinalados neste informe.

2º.- A modificación consiste nun incremento do orzamento máximo do contrato ao modificar os servizos a prestar (diminución do número de ambulancias UVI móbil SVA e incremento do número de ambulancias Tipo B SVB), para dar cobertura ás disposicións mínimas do plan de autoprotección, e debido ás necesidades derivadas da modificación da programación da Campaña do Nadal 2024-2025, que ocasionan un incremento das previsións de afluencia de público e dos días previstos de alta afluencia. Este incremento, de 9.822,38 euros (exento de IVE), aboarase con cargo á aplicación orzamentaria 4310.2279901 "Programa de decoración y animación Nadal", coa seguinte distribución de anualidades:

| Ano | Importe (exento de IVE) |
|------|-------------------------|
| 2024 | 5.870,92 € |
| 2025 | 3.951,46 € |

| Ano | Importe (exento de IVE) |
|-------|-------------------------|
| Total | 9.822,38 € |

3º.- Unha vez aprobado o acordo de modificación, o contratista deberá reaxustar a garantía definitiva, no prazo dos quince días seguintes á notificación do acordo e con carácter previo á súa formalización. O reaxuste supón un incremento da garantía de 491,12 euros.

4º.- Notificar este acordo ao interesado, AMBULANCIAS DO NORDÉS, S.L., e publicar no perfil de contratante.

ACORDO

A Xunta de Goberno local aproba a proposta contida no precedente informe.

3(980).- ADXUDICACIÓN DA CONTRATACIÓN DO SUBMINISTRO PARA A ADQUISICIÓN DUNHA ESCULTURA NA HONRA DO ESCRITOR DOMINGO VILLAR. EXPTE. 5839/330.

Visto o informe de fiscalización do 03/12/2024, sométese a aprobación o informe-proposta de data 02/12/2024, asinado pola xefa da Área de Contratación e Novos Proxectos e polo sefe do Servizo de Xestión e Promoción Cultural, que di o seguinte:

NORMATIVA APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto legislativo 3/2011
- Prego de cláusulas administrativas particulares que rexe o procedemento negociado sen publicidade para a contratación do subministro para a adquisición dunha escultura na honra do escritor DOMINGO VILLAR (PCAP)

ANTECEDENTES

Primeiro.- A Xunta de Goberno local na sesión que tivo lugar o 29 de novembro de 2024, aprobou o expediente de contratación polo procedemento negociado sen



CONCELLO DE VIGO

Expte.1795/1102

publicidade e tramitación ordinaria para a contratación do subministro para a adquisición dunha escultura na honra do escritor DOMINGO VILLAR, acordou autorizar o gasto e iniciar o procedemento de licitación.

Segundo.- O 29 de novembro de 2024 o Servizo de Contratación cursou unha invitación para participar no citado procedemento a D. Pedro Dobao Rodríguez.

Terceiro.- O 2 de decembro de 2024 D. Pedro Dobao Rodríguez, presentou a súa oferta a través da plataforma de Contratos do Sector Público, dentro do prazo concedido para o efecto.

Cuarto.- O día 2 de decembro de 2024, reuníronse o xefe de servizo de Xestión e Promoción Cultural e a xefa da Área de Contratación e Novos Proxectos, co obxecto de abrir a oferta presentada polo licitador invitado.

En primeiro lugar, ábrese o “SOBRE A: DOCUMENTACIÓN PERSOAL”. Cualificada a documentación administrativa, compróbase que o licitador reúne os requisitos esixidos nas cláusulas 14 e 19 do PCAP e no apartado 5 da FEC. En consecuencia, acórdase admitir a neste procedemento a D. PEDRO DOBAO RODRIGUEZ. A continuación ábrese o “SOBRE B: PROPOSICIÓN ECONÓMICA”. Revisada a proposición, compróbase que se axusta ás esixencias dos pregos.

Constan no expediente o certificado acreditativo de que o licitador está ao corrente nas súas obrigas tributarias co Concello de Vigo, así como do cumprimento das obrigas tributarias coa Axencia Tributaria Estatal e Autonómica, e coa Seguridade Social.

Quinto.- En data 2 de decembro de 2024 D. Pedro Dobao presenta por Rexistro electrónico un escrito solicitando que o importe da garantía definitiva, 5.225 euros, se reteña do prezo do contrato.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador, D. Pedro Dobao Rodríguez, como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle ao xefe do servizo xestor e á xefa do Servizo de Contratación ou persoas nas que deleguen. A proposta realizarase a favor do licitador que posúe os dereitos de exclusiva de acordo co artigo 168.a 2º da LCSP.

Con relación á motivación desta adxudicación faise remisión á acta do 2 de decembro de 2024 de apertura dos sobres A e B.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar a D. Pedro Dobao Rodríguez. o procedemento negociado sen publicidade para a contratación do subministro para a adquisición dunha escultura na honra do escritor DOMINGO VILLAR (expediente 5839-330) por un prezo total de 114.950 euros, sendo a cota correspondente ao IVE de 10.450 euros”.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

ACORDO

A Xunta de Goberno local aproba a proposta contida no precedente informe.

4(981).- PROXECTO DE CONVENIO COA DEPUTACIÓN PROVINCIAL DE PONTEVEDRA PARA A EXECUCIÓN DO PROXECTO “BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO”. EXPTE. 2157/441.

Visto o informe xurídico do 26/11/2024 e o informe de fiscalización de data 29/11/2024, sométese a aprobación o informe-proposta do 27/11/2024, asinado pola técnica de Xestión, o xefe da Área de Investimentos e conformado polo concelleiro da Área de Goberno, que di o seguinte:

I.-ANTECEDENTES

O Concello de Vigo, continuando as amplas intervencións realizadas nos últimos anos nas vías públicas, tanto na zona rural como no casco urbano, ven a consolidar un programa de actuacións para o desenvolvemento de proxectos de investimentos para a mellora da mobilidade urbana sostible, así como en relación a mellora de



CONCELLO DE VIGO

Expte.1795/1102

espazos públicos, parques públicos, instalacións educativas e deportivas da cidade.

A Deputación Provincial de Pontevedra contempla nos orzamentos unha aplicación orzamentaria, no capítulo de transferencias de capital créditos para o establecemento dos correspondentes convenios de colaboración cos Concellos, e concretamente co Concello de Vigo.

Co obxecto de dar continuidade a colaboración administrativa e financeira da Deputación Provincial de Pontevedra o impulso da acción local e do desenvolvemento das políticas locais, o Concello de Vigo ten iniciado o procedemento para a redacción do proxecto "BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO". actuación que pola súa singularidade en relación a mellora da seguridade e mobilidade no entorno do espazo público da rúa Campoamor entre as rúas Ramiro Pascual e Hospital Álvaro Cunqueiro, propónse como un dos proxectos para incluír neste ámbito de colaboración.

Este proxecto demanda unha flexibilidade nos prazos de execución (debemos ter en conta as necesidades de aprobación de proxectos, aprobación de procesos de licitación, adxudicación e execución de obra), polo cal a vixencia das propostas de execución dos convenios deberán posibilitar un prazo de dous anos dende a formalización do convenio, cunha posibilidade de acordar unha ampliación polo período máximo dun ano.

O proxecto en fase de redacción ten o seguinte alcance:

A actuación proxectada prevé a humanización da Estrada Clara Campoamor no tramo comprendido entre a rotonda de acceso ao hospital Álvaro Cunqueiro e a rotonda de confluencia coa Rúa Ramiro Pascual.

O obxectivo principal da humanización sería o dotar o ámbito dunha senda peonil accesible debido a que na actualidade non existe un itinerario peonil seguro, o que provoca que os viandantes circulen por unha beiravía insuficiente poñéndose nunha situación de risco polo importante tráfico que soporta a Estrada Clara Campoamor.

Así mesmo, fórmulase a renovación e mellora dos servizos urbanos e a mellora da seguridade viaria do tramo levado a cabo mediante a renovación do pavimento e a sinalización.

As obras previstas recollerían os seguintes capítulos:

- Actuacións previas.
- Movemento de terras.
- Firmes e pavimentos. Calzada- o Senda.

- Renovación de redes de servizos:
 - Rede de drenaxe (nova rede).
 - Rede de saneamento.
 - Rede de abastecemento de auga.
 - Rede de iluminación pública.
 - Rede de distribución de enerxía eléctrica.

OBRA COMPLETA.

A actuación proposta, se refire a unha obra completa susceptible de ser entregada ó uso xeral ou ao Servizo Público correspondente unha vez rematada, segundo o estipulado no art 13 da lei 9/2017, de 8 de novembro LCSP e art 125 del RXLCAP.

ALCANCE ECONÓMICO DA ACTUACIÓN

O proxecto aprobado recollo o seguinte importe de execución:

| | |
|---|--------------------------|
| Orzamento de adxudicación con IVE: | 1.151.920,00 € |
|---|--------------------------|

Estimación de custes asociados a execución da obra:

| | |
|---|--------------|
| Estimación de custes asociados a condición establecida no artigo 242.4 da LCSP | 115.000,00 € |
| Custos asociados a obra de dirección das obras e coordinación de seguridade e saúde, en total o entorno do +- 6% do PEM do proxecto | 54.000,00 € |

| | |
|---|--------------------------|
| Importe total para o ámbito desta actuación: | 1.320.920,00 € |
|---|--------------------------|

PROPOSTA DE COLABORACIÓN PARA A COFINANCIACIÓN

| | Total actuacións | Achega Deputación Pontevedra | Achega Concello de Vigo |
|----------------------------|------------------|------------------------------|-------------------------|
| PROXECTO "BEIRARRÚAS CLARA | 1.320.920,00 € | 1.133.000,00 € | 187.920,00 |



CONCELLO DE VIGO

Expte.1795/1102

| | | | |
|--|--|--|---|
| CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO" | | | € |
|--|--|--|---|

Procedeuse a remitir a Deputación Provincial de Pontevedra a documentación administrativa para o inicio da elaboración do correspondente expediente administrativo conducente a aprobación do convenio para desenvolver a actuación do proxecto de "BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO".

Con datas 25 e 26 de novembro de 2024, a Técnica de Xestión da Área de Fomento, o Xefe da Área de Inversións, co conforme do Concelleiro delegado da Área redactan a Memoria Xustificativa do devandito convenio. Segundo a Memoria, os pactos que se incorporan o Convenio estímense conformes ao interese público municipal, ademais, se constata a suficiencia das achegas comprometidas á finalidade do mesmo así como o cumprimento dos principios de estabilidade orzamentaria e sustentabilidade financeira.

Con data 26 de novembro de 2024 emítese informe xurídico concluíndo que non existe inconveniente legal para que a Xunta de Goberno Local aprrobe o convenio obxecto deste expediente.

II.- FUNDAMENTOS

I.- Lexislación aplicable

- Lei 9/2017, do 8 de novembro, de Contratos do Sector Público (LCSP).
- Lei 7/1985, do 2 de abril, reguladora das bases do réxime local (LRBRL).
- Lei 40/2015, de 1 de outubro, de Réxime Xurídico do Sector Público.
- Lei 39/2015, de 1 de outubro, do Procedemento Administrativo Común das Administracións Públicas.
- Lei 5/1997, do 22 de xullo, de Administración Local de Galicia.
- Real Decreto Legislativo 781/1986, do 18 de abril, polo que se aproba o Texto refundido das disposicións legais vixentes en materia de réxime local (TRRL).
- Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da

Administración Local.

- Lei 19/2013, de 9 de decembro, de Transparencia.
- Real Decreto Lexislativo 2/2004, de 5 de marzo, polo que se aproba o Texto refundido da Lei Reguladora das Facendas Locais.
- Lei 38/2003, do 17 de novembro, Xeral de Subvencións.
- Lei 9/2007, de 13 de xuño, de Subvencións de Galicia.
- Bases de execución do vixente orzamento do Concello de Vigo.

III.- CONTIDO DO CONVENIO:

A celebración de convenios de colaboración entre entidades de dereito público, atópase prevista nos artigos 47 e seguintes da Lei 40/2015 de réxime xurídico do sector público, así como nos artigos 194 e 195 da Lei 5/1997, de Administración local de Galicia

En canto ao seu contido e procedemento, axustado á lexislación de procedemento administrativo e de subvencións, detállase no informe xurídico obrante no expediente.

O interese xeral e a conveniencia na concertación do convenio, recóllese na Memoria xustificativa do convenio, documento obrigado segundo sinala o artigo 199 da Lei 5/1997, do 22 de xullo, de Administración Local de Galicia.

O obxecto deste convenio é establecer as bases para a colaboración económica entre o Concello de Vigo e a Deputación Provincial de Pontevedra para desenvolver a actuación do proxecto de "BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO".

En virtude do convenio, a Deputación Provincial se compromete a financiar a execución das obras obxecto do convenio, asumindo as obrigas económicas correspondentes segundo os compromisos adquiridos, e de conformidade co previsto no mesmo. A tal fin disporá dos recursos indicados co carácter de achega completa para a execución das mesmas. Asemade, prestará a colaboración necesaria e facilitará canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas.

O Concello de Vigo asume as seguintes obrigas fundamentais: financiar a execución das obras obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto no convenio; a



CONCELLO DE VIGO

Expte.1795/1102

tal fin dotará os recursos necesarios, na aplicación correspondente, para o financiamento das actuacións previstas na memoria e nos proxectos técnicos; licitar os proxectos que conforman as actuacións obxecto do convenio; executar, controlar e recibir as obras consonte aos correspondentes proxectos técnicos; contratar, de selo caso, as asistencias técnicas á dirección de obra e coordinación de seguridade e saúde; obter as correspondentes licenzas e tramitar ante outros organismos as autorizacións pertinentes que fosen precisas; dar a adecuada publicidade ao convenio, de tal xeito de que quede constancia de que as obras obxecto do mesmo se levou a cabo en colaboración coa Deputación de Pontevedra; levar a cabo o mantemento e conservación das infraestruturas obxecto deste convenio, tendo a asunción da dita responsabilidade desde o día seguinte ao da formalización da acta de recepción de obra coas obrigas establecidas na normativa patrimonial das administracións públicas; destinar os fondos percibidos ao obxecto concreto para o que foron concedidos; comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía; e, prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.

IV.- PROCEDEMENTO E COMPETENCIA

Consta no expediente de aprobación do convenio, os documentos necesarios para a súa tramitación: Memoria do convenio e texto do mesmo e Informe xurídico.

O Concello de Vigo comprométese a achegar, para a execución do investimento previsto no obxecto deste convenio, a contía de CENTO OITENTA E SETE MIL NOVECENTOS VINTE EUROS (187.920,00 €), desagregados da forma seguinte:

| | |
|----------------|--------------|
| Exercicio 2025 | 187.920,00 € |
|----------------|--------------|

A tal fin, e para garantir a estabilidade do financiamento do convenio, a achega do Concello de Vigo será financiada con cargo ós créditos da aplicación 1532.619.00.06. Non obstante, o pagamento quedará condicionado, en todo caso, á aprobación definitiva dos orzamentos xerais do Concello para o ano 2025.

Antes da súa aprobación pola Xunta de Goberno, deberá emitir informe a Intervención Xeral do Concello de Vigo.

De conformidade co artigo 127.1.g) LRBRL, corresponderá á Xunta de Goberno Local a aprobación do convenio .

O artigo 8.1.b) da Lei 19/2013, de Transparencia obriga a dar publicidade do convenio que se aprobe.

Á vista das anteriores circunstancias, e previo informe da Intervención Xeral, formúlase á Xunta de Goberno Local, en uso das facultades que lle confire a lexislación vixente, a seguinte

V.- PROPOSTA:

Á vista das anteriores circunstancias, e previo informe da Intervención Xeral, formúlase á Xunta de Goberno Local, en uso das facultades que lle confire a lexislación vixente, a seguinte proposta:

Primeiro.- Aprobar o convenio de colaboración entre o Concello de Vigo e a Deputación Provincial de Pontevedra para levar a cabo a execución da obra "BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO", transcrito como Anexo.

Segundo.- Solicitar da Deputación Provincial de Pontevedra a aprobación e subscripción do citado convenio que se anexa.

Terceiro.- Asumir as obrigas económicas do convenio nos termos do mesmo, que se corresponde cun importe total de "UN MILLÓN TRESCENTOS VINTE MIL NOVECIENTOS VINTE EUROS (1.320.920,00 €)", dos cales lle corresponden ao Concello de Vigo para a execución deste convenio os créditos necesarios para a licitación, adxudicación e execución ate un máximo de CENTO OITENTA E SETE MIL NOVECIENTOS VINTE EUROS (187.920,00 €).

Dito importe será financiado con cargo ós créditos da aplicación orzamentaria 1532.619.00.06 na anualidade 2025.

Cuarto.- Comprometerse a dar cumprimento ás condicións do convenio nos termos do mesmo.

Quinto.- Dar conta do presente acordo á Concellería de Xestión municipal ós efectos de publicidade.

ACORDO

A Xunta de Goberno local aproba a proposta contida no precedente informe.



CONCELLO DE VIGO

Expte.1795/1102

CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA LEVAR A CABO A EXECUCIÓN DA OBRA "BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO"

En Vigo na data da sinatura electrónica

INTERVEÑEN

Dunha parte, D. Luis López Diéguez, presidente da Deputación Provincial de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, reguladora das bases de réxime local.

Doutra parte, D. Abel Caballero Álvarez, alcalde do Concello de Vigo, no exercicio das competencias que lle atribúe o artigo 124.1 e.4 da Lei 7/1985, de 2 de abril, reguladora das bases de réxime local.

Dá fe da formalización D. Carlos Cuadrado Romay, secretario xeral da Deputación de Pontevedra e D.^a Susana Gallardo Fariña, secretaria do Goberno Local do Concello de Vigo.

Ámbalas dúas partes actúan nas representacións expresadas e recoñécense reciprocamente capacidade bastante para o outorgamento e formalización deste convenio, con base nos principios de colaboración, cooperación, coordinación e eficacia que deben presidir as actuacións das Administracións Públicas e, a estes efectos, de común acordo,

EXPOÑEN

I.- A Deputación de Pontevedra e o Concello de Vigo comparten como criterio que os concellos, como administración democraticamente escollida, deben ser os axentes protagonistas e os eidos administrativos aos que ten que corresponder a decisión, o deseño e o impulso da acción local e do desenvolvemento das políticas locais; ao tempo que, as deputacións, deben actuar como institucións que desenvolvan políticas, plans e actuacións que faciliten que concellos e cidadáns poidan acadaren os mesmos dereitos e servizos.

II.- Que a tales efectos, a Deputación e o Concello de Vigo veñen coordinando as súas competencias mediante a sinatura de protocolos e convenios de colaboración para afondar na cooperación administrativa entrámbalas institucións e, particularmente, na cooperación destinada á planificación e execución de proxectos de interese xeral e infraestruturas públicas, tales coma as

referidas aos servizos á cidadanía e infraestruturas deportivas, culturais ou viarias, parques e xardíns, entre outras.

III.- Que ambas administracións locais teñen como obxectivo común satisfacer as necesidades e aspiracións da veciñanza, entre as que se atopa a transformación da contorna urbana mediante o desenvolvemento de proxectos que persigan a mellora da mobilidade, a humanización e a incorporación de elementos mecánicos de transporte nas rúas da cidade, sendo, todos eles, unha aposta pola mellora ambiental potenciando os parques públicos, pola eficiencia enerxética e da calidade de vida en xeral, potenciando o transporte público e priorizando a seguridade viaria e a mobilidade.

IV.- O obxectivo deste convenio é seguir convertendo a cidade de Vigo, nun lugar cómodo e accesible, mellorando a calidade dos espazos para o ocio e o recreo.

V.- Que o artigo 25. 2. d) da Lei 7/1985, de 2 de abril, reguladora das Bases de Réxime Local (LRBRL) atribúe ás Administracións municipais competencia propia, no que ao presente convenio importa, os encamiñados de forma particular, as infraestruturas viarias e outros equipamentos da súa titularidade

Por outra banda, o art. 36.1) da Lei 7/1985, de 2 de abril, reguladora das bases de réxime local, encomenda ás deputacións o aseguramento da prestación integral e adecuada dos servizos de competencia municipal; competencia en relación coa cal a Deputación Provincial de Pontevedra apoia a transformación sostible da infraestruturas viarias dos concellos da provincia.

VI. Que a Deputación Provincial de Pontevedra, nos orzamentos do ano 2024, recolle unha aplicación orzamentaria, no capítulo de transferencias de capital, para convenios co concello de Vigo.

VII.- Que os convenios entre as Administracións Públicas constitúen o instrumento axeitado para desenvolveren a súa cooperación en cuestións de interese común, tal como establecen os artigos 47 e seguintes da Lei 40/2015, de 1 de outubro, do réxime xurídico do sector público, o artigo 57 da Lei 7/1985, de 2 de abril, reguladora das bases do réxime local, os artigos 198 e seguintes da Lei 5/1997, de 22 de xullo, de administración local de Galicia, así como co disposto nos artigos 28.1 da Lei 38/2003, de 17 de novembro, xeral de subvencións, e 26.1 da Lei 9/2007, de 13 de xuño, de subvencións de Galicia.

VIII.- Que, de acordo coas precedentes consideracións e en desenvolvemento da colaboración entre ámbalas dúas administracións, que contemplan como un dos seus obxectivos estratéxicos a consolidación dunha rede de infraestruturas integradoras, accesibles e abertas para o desfrute dos veciños, o Concello de Vigo e a Deputación de Pontevedra acordan aprobar o presente convenio de colaboración, que asinan os intervenientes con arranxo aos seguintes



CONCELLO DE VIGO

Expte.1795/1102

PACTOS

PRIMEIRO.- OBXECTO DO CONVENIO

1.- O obxecto deste convenio é establecer as bases para a colaboración económica entre o Concello de Vigo e a Deputación Provincial de Pontevedra para levar a cabo a execución da obra **"BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO"**.

2.- O investimento vinculado ao presente convenio atópase definido no marco dun orzamento base de licitación máis IVE de UN MILLON CENTO CINCUENTA E UN MIL NOVECENTOS VINTE EUROS (1.151.920,00 €)

SEGUNDO.- IMPORTE E FINANCIAMENTO

1.- O importe ao que se refire o presente convenio ascende á cantidade de UN MILLÓN TRESCENTOS VINTE MIL NOVECENTOS VINTE EUROS (1.320.920,00 €), incluíndo os gastos da execución das obras, así como os gastos asociados á obra en relación á asistencia técnica á dirección da obra e ás asistencias técnicas sobre a coordinación de seguridade e saúde, así como os gastos derivados das actuacións arqueolóxicas, correspondéndose os seguintes gastos máximos:

| | |
|---|--------------------------|
| Orzamento de adxudicación con IVE: | 1.151.920,00 € |
|---|--------------------------|

Estimación de custes asociados a execución da obra:

| | |
|---|--------------|
| Estimación de custes asociados a condición establecida no artigo 242.4 da LCSP | 115.000,00 € |
| Custos asociados a obra de dirección das obras e coordinación de seguridade e saúde, en total o entorno do +- 6% do PEM do proxecto | 54.000,00 € |

| | |
|---|--------------------------|
| Importe total para o ámbito desta actuación: | 1.320.920,00 € |
|---|--------------------------|

2.- Obrigas económicas para a Deputación Provincial de Pontevedra:

A Deputación Provincial de Pontevedra comprométese a achegar, para a execución do investimento previsto no obxecto deste convenio, a contía de UN MILLÓN CENTO TRINTA E TRES MIL EUROS (1.133.000,00 €), que se realizará con cargo á aplicación 2024/942.9420.762.14.

3.- Obrigas económicas para o Concello de Vigo:

O Concello de Vigo comprométese a achegar, para a execución do investimento previsto no obxecto deste convenio, a contía de CENTO OITENTA E SETE MIL NOVECENTOS VINTE EUROS (187.920,00 €)., desagregados da forma seguinte:

| | |
|----------------|--------------|
| Exercicio 2025 | 187.920,00 € |
|----------------|--------------|

A tal fin, e para garantir a estabilidade do financiamento do convenio, a achega do Concello de Vigo será financiada con cargo ós créditos da aplicación 1532.619.00.06. Non obstante, o pagamento quedará condicionado, en todo caso, á aprobación definitiva dos orzamentos xerais do concello para o ano 2025.

4.- Non obstante, calquera variación da anualidade da execución prevista, poderá dar lugar ao reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial no expediente que se inicie para o reaxuste das anualidades e da resolución que se dite.

TERCEIRO.- EXECUCIÓN DO CONVENIO

1.- A execución das actuacións e contratos ás que o presente convenio se refire, e o seu financiamento polas partes asinantes, terá lugar durante os anos da vixencia do convenio de acordo coas obrigas de financiamento indicadas no pacto segundo.

2.- O Concello de Vigo comunicará á Deputación Provincial a realización de todos os actos públicos sobre o seguimento da obra, co obxecto de que asista de consideralo procedente un representante da Corporación provincial.

3.- O Concello de Vigo comunicará á Deputación Provincial a data e hora en que terá lugar, o acto de recepción da obra, ao que asistirá, de consideralo procedente a Corporación provincial, un representante ou facultativo desta. A Administración municipal remitirá á provincial copia da acta do acto de recepción e certificación da resolución do órgano competente aprobatoria da recepción da obra executada e da certificación final da mesma.

4.- Formalizado, de selo caso, o contrato, ou contratos, de servizos para a contratación de asistencia técnica á dirección das obras e a Coordinación de Seguridade e Saúde, remitirase copia dos mesmos á Deputación Provincial así como dos abonos a conta que en execución dos mesmos se poidan producir.

5.- A Deputación Provincial poderá inspeccionar a execución da obra obxecto do presente convenio e as actuacións realizadas no marco do mesmo cando o teña por conveniente, así como formular as observacións que estime pertinentes, sen prexuízo de que corresponda en exclusiva ao órgano de contratación e aos responsables dos respectivos contratos a emisión das ordes e instrucións que procedan.



CONCELLO DE VIGO

Expte.1795/1102

CUARTO.- XUSTIFICACIÓN E PAGAMENTO

O Concello de Vigo asume a licitación, dirección, execución e recepción da obra contempladas na memoria técnica, e a súa xustificación perante a Deputación de Pontevedra.

O Concello de Vigo poderá realizar xustificacións parciais, que responderán ao ritmo de execución das obras, que se aboarán pola contía equivalente á/s xustificación/s presentada/s.

O importe correspondente á/s xustificación/s achegada/s, será reembolsado ao Concello mediante transferencia bancaria, unha vez que conste na Deputación a seguinte documentación:

- Contrato de adxudicación da obra.
- Nomeamento do Director de obra e coordinador de seguridade e saúde.
- Acta de comprobación do replanteo.
- Orixinal ou copias compulsadas da/s factura/s expedida/s pola empresa adxudicataria dos traballos realizados.
- Certificación/s de obra executada. Xunto coa primeira certificación se remitirá unha proba gráfica da difusión dada ao investimento que se financia coa axuda da Deputación.
- Certificacións ou actos de aprobación/conformidade dos gastos polo órgano municipal.

Así mesmo, coa finalización das obras, para a liquidación final das actuacións, deberá ser aportada a seguinte documentación:

- Acta de recepción, unha vez rematado o investimento.
- Declaración do conxunto de axudas solicitadas, tanto as aprobadas ou concedidas como as pendentes de resolución, para o financiamento do obxecto deste convenio, das distintas administracións públicas competentes ou calquera dos seus organismos, entes ou sociedades.
- Informe final do/a Director/a de obra.
- De producirse a tramitación dun modificado, a certificación expedida pola persoa funcionaria competente de que a súa tramitación foi consonte á Lei de contratos.

- Declaración responsable de non estar a beneficiaria incurso en ningunha das causas previstas no artigo 10.2 da Lei 9/2007, de 13 de xuño, de subvencións de Galicia, para ser beneficiaria desta axuda.
- Calquera outra documentación esixible pola normativa vixente para a correcta xustificación deste convenio ou que se considere necesaria para a comprobación da correcta execución do obxecto do convenio.

A/s certificación/s de obra, facturas ou documentos análogos acreditativos do gasto, e o resto da documentación xustificativa, serán verificadas polos servizos técnicos provinciais e fiscalizadas pola Intervención provincial antes de ser aprobadas e pagadas.

Así mesmo, as actuacións realizadas estarán sometidas á comprobación explícita da execución das obras por parte dos servizos técnicos da Deputación Provincial.

A comprobación material do investimento, que se define no parágrafo anterior, é un requisito imprescindible do que debe quedar constancia no expediente xustificativo.

QUINTO.- MODIFICACIÓNS DO PROXECTO

As partes asinantes do convenio, comprométense á estabilidade do financiamento comprometido en base á contratación do proxecto do investimento obxecto deste convenio, e de acordo coa obriga de financiación para cada unha das administracións en relación ao proxecto de "**BEIRARRÚAS CLARA CAMPOAMOR, ENTRE RAMIRO PASCUAL E HOSPITAL ÁLVARO CUNQUEIRO**", polo cal, a achega da Deputación Provincial de Pontevedra por importe de UN MILLÓN CENTO TRINTA E TRES MIL EUROS (1.133.000,00 €), determínase como achega finalista ao convenio, aportando o Concello de Vigo a diferenza ata o importe que se derive da execución final das actuacións obxecto do convenio e de ser o caso se a execución destas actuacións superaran o importe máximo do convenio será responsabilidade do Concello de Vigo asumir a totalidade dos incrementos que se deriven da execución final deste proxecto.

Se finalmente, a execución da obra prevista tivera un custo inferior ao indicado na adxudicación dos contratos vinculados ao obxecto do convenio, e sempre que isto non supoña unha actuación deficiente do mesmo, a contía das achegas das administracións reducirase proporcionalmente as cantidades a aportar por cada administración en relación ao importe adxudicado.

SEXTO.- COMPROMISOS DAS PARTES

O Concello de Vigo obrígase a:

- Comunicar á Deputación de Pontevedra o proxecto de execución vinculado ao obxecto deste convenio, para o cal lle remitirá copia completa do



CONCELLO DE VIGO

Expte.1795/1102

proxecto unha vez se atope aprobado pola Xunta de Goberno Local no prazo máximo de dous (2) meses dende a sinatura do presente convenio.

- Financiar a execución da obra obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo, terceiro e quinto. A tal fin, dotará os recursos necesarios, na aplicación correspondente, para o financiamento da actuación prevista neste convenio.
- Remitir á Deputación Provincial os proxectos técnicos vinculados co obxecto do convenio, así como de calquera modificación.
- Licitar, executar, controlar e recibir as obras consonte ao correspondente proxecto técnico.
- Contratar, de selo caso, as asistencias técnicas á dirección de obra e coordinación de seguridade e saúde.
- Obter as correspondentes licenzas e tramitar ante outros organismos as autorizacións pertinentes que fosen precisas.
- Dar a adecuada publicidade a este convenio conforme o pacto sétimo do mesmo, de tal xeito de que quede constancia de que a obra obxecto do mesmo se levou a cabo en colaboración coa Deputación de Pontevedra.
- Destinar os fondos percibidos ao obxecto concreto para o que foron concedidos.
- Comunicar á Deputación de forma inmediata, a obtención doutras subvencións ou axudas para a mencionada finalidade procedentes de calquera administración pública ou ente privado nacional ou internacional, con expresión da súa contía.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden á Intervención Provincial, ao Tribunal de Contas e ao Consello de Contas.

Asemade, o Concello de Vigo comprométese ao cumprimento das obrigas contidas na Lei 9/2007, do 13 de xuño, de subvencións de Galicia, e en especial as recollidas no artigo 11 da mesma.

Tamén seralle de aplicación o recollido na Lei 38/2003, de 17 de novembro, xeral de subvencións, e no seu Regulamento, aprobado polo Real decreto 887/2006, de 21 de xullo.

Pola súa banda, a Deputación de Pontevedra comprométese a:

- Financiar a execución da obra obxecto deste convenio, asumindo as obrigas económicas correspondentes segundo os compromisos adquiridos, e de conformidade co previsto nos pactos segundo, terceiro e quinto. A tal fin, disporá dos recursos indicados co carácter de achega finalista para a execución da mesma.
- Prestar a colaboración e facilitar canta documentación lle sexa requirida no exercicio das funcións de fiscalización e control do destino das axudas que lle corresponden ao Tribunal de Contas e ao Consello de Contas, en cumprimento do disposto no artigo 53 da Lei 40/2015, de Réxime Xurídico do Sector Público, e da Resolución Presidencial núm. 2017008767, de 8 de maio de 2017, tratándose asemade dun convenio cuxas achegas económicas exceden de 600.000,00 €.

SÉTIMO.- PUBLICIDADE

En toda a documentación e información relativas ao obxecto deste convenio incluírase a imaxe corporativa que a este fin faciliten, en todos os formatos, a Deputación Provincial de Pontevedra e o Concello de Vigo, e nelas figurará de maneira destacada o financiamento da actuación por ambas administracións.

En todo caso, as accións a desenvolver ao abeiro do convenio, deberán garantir un alto impacto e visibilidade da colaboración entre o Concello de Vigo e a Deputación Provincial de Pontevedra. O Concello deberá acreditar a publicidade, e indicar as accións de comunicación realizadas. Para isto, o Concello debe:

- Incluír no prego de cláusulas ou documentación que rexe a contratación unha cláusula na que conste a obriga do contratista de colocar, desde o inicio das obras ata a súa total terminación, un cartel de obra cos logos do mesmo tamaño do Concello de Vigo e o da Deputación Provincial de Pontevedra.
- Facerse cargo dos carteis da obra que se realicen e da súa retirada tras a finalización do prazo de garantía ou, en todo caso, tras a comprobación material realizada pola Deputación. Por tratarse dunha obra de infraestruturas ou dotacións, o cartel colocarse ao carón do acceso principal; no caso de obras na infraestructura viaria ou no seu subsolo, situarse ao comezo da vía ou no seu entroncamento coa vía principal.

Correspóndelle ao Servizo de Comunicación Institucional da Deputación dar as instrucións que se deben seguir no relativo á identidade corporativa provincial (<https://www.depo.gal/es/identidade-corporativa>).

O incumprimento destas obrigas será causa de reintegro das subvencións concedidas con cargo a estas bases.



CONCELLO DE VIGO

Expte.1795/1102

Por outra parte, en cumprimento do establecido na resolución de 15 de xuño de 2020, da Intervención Xeral da Administración do Estado, pola que se regula o proceso de rexistro e publicación de convocatorias no Sistema Nacional de Publicidade de Subvencións e Axudas Públicas e, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións operará como sistema nacional de publicidade das subvencións. A tales efectos e para garantir o dereito dos cidadáns a coñecer todas as subvencións convocadas en cada momento de cara a contribuír aos principios de publicidade e transparencia, a Intervención Xeral da Administración do Estado publicará na súa páxina web as subvencións concedidas, segundo o establecido nos artigos 20.4 e 20.8.b da Lei 38/2003, de 17 de novembro, xeral de subvencións.

OITAVO.- CONFIDENCIALIDADE E PROTECCIÓN DE DATOS

As partes comprométese ao intercambio de datos e información técnica para o cumprimento efectivo de todos os termos deste convenio coas garantías de confidencialidade que en cada caso se requiran e permanecerá exclusivamente no ámbito da relación das partes e do persoal técnico que colabore nas actividades, obrigándose a mantelo en réxime de confidencialidade por prazo indefinido e con independencia da duración do convenio.

Toda a información e documentación intercambiada no marco do convenio será propiedade das respectivas partes.

As actuacións obxecto deste convenio que impliquen o tratamento de datos de carácter persoal deberán respectar na súa integridade a normativa reguladora de protección de datos de carácter persoal.

NOVENO.- COMPATIBILIDADE CON OUTRAS SUBVENCÍONS

A achega económica prevista no presente instrumento, que ten carácter de subvención, será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou e organismos internacionais.

Porén, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da contratación subvencionada, para o cal de ser o caso se procederá a minorar proporcionalmente as cantidades a aportar por cada administración en relación ao importe adxudicado.

DÉCIMO.- COMISIÓN DE SEGUIMENTO

Para o seguimento e coordinación da execución deste convenio e resolución das dúbidas que poidan producirse na súa interpretación crearase unha comisión integrada por tres representantes de cada unha das Administracións asinantes, un dos cales terá carácter técnico.

Corresponderá á Comisión de Seguimento:

- ✓ A puntual recepción de información sobre tódalas actuacións que se produzan na execución dos contratos a que este convenio se refire.
- ✓ A coordinación entre as administracións asinantes na execución e financiamento do convenio, ditando ao efecto as instrucións oportunas.
- ✓ A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das administracións asinantes.
- ✓ A emisión de informe en relación coa necesidade do reaxuste da anualidade do convenio e en relación con cantas incidencias se produzan na execución do contrato a que este se refire.
- ✓ A formulación das propostas que procedan en relación ás cuestións a que os seus informes se refiran.

A Comisión de Seguimento reunirse cando o estime convinte o seu responsable, por decisión propia ou a petición de calquera dos seus membros. As súas reunións terán lugar na sede da Deputación de Pontevedra en Vigo ou na Deputación de Pontevedra, segundo acorden as partes. Na súa reunión constituínte designarase ao responsable da mesma e ao seu secretario, que levantará acta das súas reunións.

DÉCIMO PRIMEIRO.- VIXENCIA

O presente convenio producirá os seus efectos dende a data da súa sinatura e o investimento obxecto deste convenio deberá estar executado e finalizado a límite do 30 de setembro de 2026, fixándose un prazo de xustificación ata o 30 de decembro de 2026.

No caso de imposibilidade de remate das obras ou xustificación nos prazos referidos, as partes poderán acordar a ampliación dos mesmos ata o 30 de setembro de 2027.

No caso de que, por motivos xustificados, ou como consecuencia do axuste das anualidades de execución do contrato, as obras obxecto do presente convenio non estivesen rematadas nesa data, as partes poderán acordar estender súa vixencia, previa emisión do informe da Comisión de Seguimento no que deberá especificar o prazo de prórroga.



CONCELLO DE VIGO

Expte.1795/1102

No caso de que o Concello non xustifique o gasto realizado en prazo ou execute o investimento subvencionado mais aló do prazo de execución establecido, iniciárase o procedemento de perda do dereito ao cobro, non podendo utilizarse o crédito sobrance para conceder outra subvención ao Concello.

DÉCIMO SEGUNDO.- EXTINCIÓN DO CONVENIO

De acordo co previsto no artigo 51 da Lei 40/2015, o convenio extingúirase polo cumprimento das actuacións que constitúen o seu obxecto ou por incorrer en causa de resolución.

Serán causas de resolución:

1º.- O transcurso do prazo máximo de vixencia do convenio.

2º.- O acordo unánime dos asinantes.

3º.- O incumprimento das obrigas e compromisos asumidos por parte dalgún dos asinantes.

Neste caso, notificarase á parte incumpridora un requirimento para que, no prazo que se sinala, cumpra coas obrigacións ou compromisos que se consideran incumpridos. Este requirimento será comunicado tamén ao responsable da Comisión de Seguimento.

Se transcorrido o prazo indicado no requirimento persistira o incumprimento, a parte que o dirixiu notificará á outra parte a concorrencia de causa de resolución e entenderase resolto o convenio. A resolución do convenio por esta causa poderá dar lugar a indemnización dos prexuízos causados.

4º.- Por decisión xudicial declaratoria da nulidade do convenio.

5º.- Por calquera outra causa distinta das anteriores prevista no convenio ou noutras leis.

DÉCIMO TERCEIRO.- RÉXIME XURÍDICO

O presente convenio ten natureza administrativa e rexeráse pola Lei 38/2003, de 17 de novembro, xeral de subvencións, e o Real decreto 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do Estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do Real decreto 887/2006; polos pactos que se conteñen neste convenio; as Bases de execución dos orzamentos das Administracións asinantes; a Ordenanza xeral de subvencións da Deputación

Provincial e as restantes normas de dereito administrativo, e no seu defecto, as normas de dereito privado.

O Concello de Vigo e a Deputación Provincial de Pontevedra comprométense a resolver de maneira amigable calquera desacordo que poida xurdir no desenvolvemento deste convenio. Con todo, e no caso de aparición de discrepancias que non puideran resolverse a través da Comisión de Seguimento, será competente a Xurisdición Contencioso- Administrativa.

E en proba de canto antecede, as partes que interveñen asinan o presente convenio na data da sinatura electrónica.

E sen ter máis asuntos que tratar, o Sr. Presidente rematou a sesión ás catorce horas e dez minutos. Como secretaria dou fe.

SGF/me.

A CONCELLEIRA-SECRETARIA DA XUNTA DE GOBERNO LOCAL,
Patricia Rodríguez Calviño.

O ALCALDE
Abel Caballero Álvarez